



Na osnovu Zaključka o usvajanju Programa utroška budžetskih sredstava u 2023.godini (Subvencije privatnim poduzećima i poduzetnicima), broj: 02-11-5917/23 od 11.04.2023. godine, a u skladu sa Zakonom o poticanju razvoja male privrede („Službene novine Zeničko-dobojskog kantona“, broj: 7/16 i 7/20) i Uredbe o uvjetima i postupku za dodjelu pomoći male vrijednosti – de minimis pomoć („Službene novine Federacije Bosne i Hercegovine“, broj: 27/18), Ministarstvo za privredu/gospodarstvo, raspisuje

**JAVNI POZIV  
PODRŠKA SAMOZAPOŠLJAVANJU I PRIVREDNIM SUBJEKTIMA U IT SEKTORU ZA  
KREIRANJE I IZVOZ DIGITALNIH RJEŠENJA**

Zenica, lipanj 2023. godine

## 1. Opće informacije

Ministarstvo za privredu/gospodarstvo Zeničko-dobojskog kantona (u daljem tekstu: Ministarstvo) kontinuirano pruža podršku fizičkim licima i registriranim privrednim subjektima sa područja kantona kroz program subvencioniranja administrativnih troškova za realizaciju poslovnih ideja i registraciju privrednih subjekata.

Realizacija planiranih projektnih aktivnosti ima za cilj podizanje životnog standarda i povećanje socijalne kohezije u **Zeničko-dobojskom kantonu** putem inkluzivnog održivog socioekonomskog razvoja.

Ministarstvo će kroz projektne aktivnosti u 2023. godini direktno podržati privatni sektor te potencijalne investitore kako bi se unaprijedio ekonomski rast te kreirala nova radna mjesta.

## 2. Ciljevi

Ovim javnim pozivom se pozivaju sva fizička lica i registrirani privredni subjekti sa područja Zeničko-dobojskog kantona da podnesu prijavu za učešće u programu za razvoj poduzetništva i podršku osnivanju novih poduzeća.

**Osnovni ciljevi programa su:**

1. Unaprijeđenje i promocija poduzetništva i poduzetničkog duha;
2. Poboljšanje socioekonomske situacije kroz registraciju novih preduzeća i stvaranje novih radnih mjesta;
3. Jačanje poslovne infrastrukture i, na bazi ostvarenih rezultata i iskustava, stvaranje modela za buduću podršku novim poduzetnicima u poslovanju.

**Ciljna grupa:** Na javni poziv se mogu prijaviti fizička lica koja su nastanjena na teritoriji Zeničko-dobojskog kantona i koja ispunjavaju neophodne uvjete navedene u sekciji 4. *Kriteriji za prijavu*, kao i svi registrirani privredni subjekti (pravna i fizička lica sa registriranom djelatnošću) koji nisu stariji od 6 mjeseci od datuma objave ovog javnog poziva i koji ispunjavaju uvjete navedene u sekciji 4. *Kriteriji za prijavu*.

Sve predložene poslovne ideje od strane fizičkih lica i djelatnosti privrednih subjekata koji se prijavljuju na ovaj javni poziv moraju biti isključivo vezane za IT sektore.

## 3. Opis planirane podrške

U okviru ovog javnog poziva, podnosiocima prijava će biti na raspolaganju sljedeći paket podrške:

1. **Specijalistički višednevni modularni poduzetnički trening program;**
2. **Bespovratna financijska podrška za realizaciju najbolje ocijenjenih biznis planova;**
3. **Mentorska podrška i praćenje tokom najmanje prvih 6 mjeseci poslovanja.**

### a) Specijalistički višednevni modularni poduzetnički trening program

Navedeni specijalistički trening program će obuhvatiti 5 ključnih tematskih modula za pokretanje i vođenje biznisa kako slijedi:

1. Razvoj poduzetništva;
2. Odabir poslovnih ideja i proizvoda/usluga;
3. Razvoj malih i start-up preduzeća;
4. Povezivanje sa pružiocima savjetodavnih usluga;
5. Izrada biznis plana.

Neke od tematskih cjelina koje obuhvaćaju navedeni moduli su:

- poduzetničke karakteristike i razvoj poduzetništva;
- odabir poslovnih ideja i testiranje njihove izvodljivosti i opravdanosti;
- marketinška strategija i odabir proizvoda/usluga;
- plan proizvodnje/pružanja usluga i menadžment;
- financijska analiza;
- povezivanje sa pružiocima savjetodavnih usluga iz poslovne domene;
- pregovaranje sa financijskim institucijama;
- uspostavljanje poslovnih partnerstava i outsourcing;
- izrada biznis plana.

Ukupno trajanje trening programa je 15 dana, dok je trajanje svakog modula od 2-3 dana, uz očekivano sudjelovanje do 30 polaznika. Trening program je u potpunosti prilagođen učenju odraslih i orijentiran je ka simulacijama, iskustvenom i interaktivnom sudjelovanju polaznika. Između svakog modula se pravi pauza od nekoliko dana kako bi se polaznicima dalo dovoljno vremena da kompletiraju praktične zadatke i usklade svoje obaveze. Točne lokacije održavanja treninga će se definirati nakon završenog procesa odabira i izrade konačne liste sudionika.

Paralelno sa implementacijom modula, svi polaznici će uz tehničku i mentorsku podršku angažiranih stručnjaka aktivno raditi na pripremi biznis planova za svoje poslovne ideje sa kojima će konkurirati za dodjelu bespovratnih sredstava podrške za pokretanje i podršku vlastitog biznisa.

#### **b) Dodjela bespovratnih financijskih sredstava podrške najbolje ocijenjenim biznis planovima**

Po završetku trening programa, u ovoj fazi će se na osnovu izrađenih biznis planova tokom trajanja trening programa izvršiti njihovo komisijsko vrjednovanje i bodovanje, sa posebnim fokusom na tržišni potencijal i realizaciju poslovne ideje, kompetencije podnosioca i inovativnost proizvoda. Najbolje ocijenjeni poslovni planovi će imati priliku prezentirati svoje ideje pred Komisijom.

Najbolje ocijenjeni biznis planovi i prezentacije će dobiti bespovratna grant sredstva za njihovu implementaciju, gdje broj podržanih biznisa i vrijednost grant sredstava zavise od ukupno raspoloživog iznosa za podršku i konkretnih zahtjeva svakog biznis plana. **Maksimalan iznos grant sredstava po jednom biznis planu iznosi 8.000.00 KM, uz planirano davanje podrške za do 20 najboljih biznis planova.**

Detaljan prikaz prihvatljivih i neprihvatljivih troškova za financiranje grant sredstvima je kako slijedi:

#### **Prihvatljivi troškovi**

- Troškovi registracije biznisa (npr. troškovi taksi, odvjetničke usluge, troškovi kopiranja i ovjeravanja dokumenata, izrada pečata i sl.);
- Troškovi nabavke proizvodnih mašina i opreme neophodne za otpočinjanje poslovanja (npr. nabavka fiskalne kase, nabavka potrebne opreme i mašina za proizvodnju, nabavka softvera, licenci i sl.);
- Troškovi opremanja i rekonstrukcije prostora koji će biti korišten u proizvodne svrhe.

#### **Neprihvatljivi troškovi**

- Osnivački kapital d.o.o. poduzeća i ukoliko je predviđeno osnivanje d.o.o. poduzeća;
- Troškovi zaposlenika (plaće i doprinosi);
- Nadoknade za projektne partnere koji su angažirani na implementaciji aktivnosti;
- Dugovanja i rezerve za gubitke;
- Dugovanja po kamati;
- Troškovi režija i održavanja (voda, struja, grijanje, komunalni otpad, telekomunikacije, upravljanje zgradom, internet i sl.);
- Kupovina, obnova, rekonstrukcija, modernizacija objekata za osobnu upotrebu;
- Kupovina, obnova, rekonstrukcija, modernizacija objekata za najam ili prodaju;
- Izvršavanje radova ili osiguravanje robe, usluga, zemljišta i nekretnina za koje je izvršeno plaćanje u gotovini, odnosno koje nije potkrijepljeno računima ili dokumentima iste dokazne vrijednosti;

- Doprinosi za dobrovoljna zdravstvena ili mirovinska osiguranja koji nisu obavezna prema zakonodavstvu;
- Kazne i troškovi sudskog spora;
- Plaćanja neoporezivih bonusa zaposlenima;
- Bankovni troškovi za otvaranje i vođenje računa, naknade za financijske transfere i drugi troškovi u potpunosti financijske prirode;
- Kamate;
- Trošak police osiguranja imovine (uključuje i imovinu nabavljenu iz projekta);
- Studijske posjete;
- Stavke već financirane u sklopu nekog drugog projekta;
- Kupovina i iznajmljivanje zemljišta i postojećih zgrada;
- Troškovi konverzije, nadoknada ili gubici prilikom konverzije valuta;
- Kreditiranje trećih osoba;
- Kupovina od povezanog lica (transferne cijene);
- Ostali troškovi koji nisu relevantni za implementaciju biznis plana.
- Ostali troškovi nespomenuti kao prihvatljivi.

#### ***Važne napomene:***

*Svi troškovi koji su nastali u periodu prije potpisivanja ugovora o dodjeli grant sredstava spadaju u kategoriju neprihvatljivih troškova.*

*Troškovi nabavke opreme neophodne za otpočinjanje poslovanja (npr. nabavka fiskalne kase, i sl.), opremanja i rekonstrukcije prostora koji će biti korišten u proizvodne svrhe, priznaju se isključivo ukoliko je nabavka izvršena od strane registriranih privrednih subjekata;*

*Bespovratna sredstva podrške će biti dodijeljena najuspješnijim polaznicima programa na bazi kompetitivnog procesa odabira i stručne procjene izvodljivosti, kvaliteta i opravdanosti poslovnih ideja. Samo sudjelovanje u ovom programu ne podrazumijeva automatsku dodjelu bespovratnih sredstava.*

*Djelatnosti (poslovne ideje fizičkih lica i djelatnosti privrednih subjekata) koje će biti podržane u sklopu ovog javnog poziva moraju biti vezane za IT sektore.*

#### **c) Pružanje mentorske podrške tokom prve godine poslovanja**

Tokom konkretizacije svojih poslovnih ideja, korisnici koji dobiju bespovratna sredstva će imati osiguranu stručnu mentorsku podršku od strane Ministarstva najmanje tokom prvih 6 mjeseci poslovanja kako bi se pružila dodatna podrška novoosnovanim subjektima, te odgovorilo na povećan rizik poslovanja i utjecalo na održivost registriranih biznisa. Podrška obuhvaća, ali se ne ograničava na poslovno savjetovanje iz oblasti proizvodnje, marketinga, poslovnih financija, ljudskih resursa, prodaje i sl. Ova komponenta obuhvaća i praćenje utroška dodijeljenih sredstava.

Indikativni vremenski okvir trajanja projektne podrške odabranim korisnicima je u periodu **srpanj 2023.-siječanj 2024. godine**. Ministarstvo zadržava pravo da izmijeni ili produži vremenski okvir u zavisnosti od broja odabranih korisnika i dinamike implementacije projekta. Također, Ministarstvo zadržava pravo da izmijeni uvjete i odredbe iz ovog javnog poziva, uključujući broj polaznika, iznos podrške, vrstu podrške i sl.

**Nepotpune prijave se neće uzimati u razmatranje.**

## **4. Kriteriji za prijavu**

### **a) Osnovni kriteriji za prijavu fizičkih lica**

Po osnovu ovog javnog poziva prijaviti se mogu fizička lica koja ispunjavaju **sljedeće osnovne kriterije:**

- Podnosilac prijave mora imati prebivalište na području Zeničko-dobojskog kantona;
- Podnosilac prijave treba imati kvalitetnu poslovnu ideju i želju da se bavi vlastitim biznisom
- Poslovna ideja mora biti isključivo vezana za IT sektor
- Podnosilac prijave do datuma podnošenja prijave nije koristio bespovratna sredstva iz drugih izvora (sredstva nivoa vlasti, donatorska sredstva i sl.) u svrhu samozapošljavanja i/ili pokretanja biznisa;
- Ispravno popunjeni prijavni obrasci za sudjelovanje podnosioca u programu.

## **b) Osnovni kriteriji za prijavu registriranih privrednih subjekata (pravna i fizička lica)**

Po osnovu ovog javnog poziva prijaviti se mogu registrirani privredni subjekti **koji ispunjavaju sljedeće osnovne kriterije:**

- Subjekt mora biti registriran na području Zeničko-dobojskog kantona;
- Subjekt ne može biti stariji od 6 mjeseci od datuma podnošenja prijave na ovaj javni poziv;
- Osnovna djelatnost subjekta mora isključivo biti vezana za IT sektor.
- Subjekt do datuma podnošenja prijave nije koristio bespovratna sredstva iz drugih izvora (sredstva nivoa vlasti, donatorska sredstva i sl.) u svrhu samozapošljavanja i/ili pokretanja biznisa;
- Subjekt je uredno izmirio sve poreske i druge zakonom propisane obaveze;
- Ispravno popunjeni prijavni obrasci za sudjelovanje subjekta u programu.

**Napomena:** Ispred registriranog subjekta prijavu za sudjelovanje u programu podnosi:

- Ovlašteno lice za privredni subjekt pravno lice
- Vlasnik za privredni subjekt fizičko lice.

**Dodatni kriteriji za bodovanje prijave fizičkih lica (ovi kriteriji nisu eliminatorni te će se posebno bodovati):**

- Podnosilac živi u domaćinstvu u kojem su svi članovi nezaposleni, odnosno u kojem samo jedan član ima zaposlenje. Zaposlenjem se smatra ukoliko član domaćinstva obavlja posao za koji uplaćuje poreze i doprinose iz zasnovanog radnog odnosa;
- Podnosilac prijave živi u domaćinstvu koje ima 5 ili više članova domaćinstva;
- Podnosilac je samohrani roditelj;
- Podnosilac prijave je osoba mlađa od 35 godina starosti;
- Podnosilac ima status osobe sa invaliditetom ili živi u domaćinstvu sa jednom ili više osoba koje imaju status osobe sa invaliditetom;
- Podnosilac prijave je žena;
- Inovativna djelatnost;
- Kvalitet poslovne ideje.

**Dodatni kriteriji za bodovanje prijave registriranih subjekata (ovi kriteriji nisu eliminatorni te će se posebno bodovati):**

- Vlasnik subjekta je osoba mlađa od 35 godina starosti;
- Vlasnik subjekta je žena;
- Broj zaposlenih;
- Inovativna djelatnost;
- Kvalitet poslovne ideje;
- Vlasnik subjekta ima status osobe sa invaliditetom ili zapošljava lica koja imaju status osobe sa invaliditetom;

## **5. Smjernice za prijavu i potrebna prateća dokumentacija**

a) Nakon što Ministarstvo za privredu/gospodarstvo Zeničko-dobojskog kantona objavi poziv za podnošenje prijave, sva zainteresirana fizička lica i registrirani privredni subjekti mogu preuzeti odgovarajuće obrasce za prijavu u zgradi nadležne jedinice lokalne samouprave, lokalnim ispostavama zavoda za zapošljavanje, ili sa web stranica <http://www.zdk.ba>.

b) Fizička lica i registrirani privredni subjekti koji ispunjavaju potrebne uvjete se pozivaju da dostave prijave, uključujući i svu potrebnu prateću dokumentaciju koja je navedena u nastavku, najkasnije do **03.07.2023. godine**. Prijave se mogu dostaviti putem preporučene pošte, kurirske pošte ili osobno na protokol Vlade Zeničko-dobojskog kantona (protokol pošte kantona), koristeći ispod navedene podatke za adresiranje:

**MINISTARSTVO ZA PRIVREDU ZDK  
KUČUKOVIĆI 2, ZENICA**

**JAVNI POZIV  
PODRŠKA SAMOZAPOŠLJAVANJU I PRIVREDNIM SUBJEKTIMA U IT SEKTORU ZA  
KREIRANJE I IZVOZ DIGITALNIH RJEŠENJA**

Dokaz da je prijava dostavljena u roku predstavlja datum na otpremnici, poštanski žig ili priznanica.

**Sve prijave koje se dostavljaju po osnovu ovog javnog poziva moraju biti predane u zatvorenoj koverti naslovljene na „JAVNI POZIV ZA PODRŠKU SAMOZAPOŠLJAVANJU I PRIVREDNIM SUBJEKTIMA U IT SEKTORU ZA KREIRANJE I IZVOZ DIGITALNIH RJEŠENJA“.**

c) Obrasci s nepotpunim podacima će biti odbijeni (označiti s nulom (0) ako podaci nisu navedeni).

d) Prijave koje ne sadrže potrebnu prateću dokumentaciju se neće razmatrati.

**Pored ispravno popunjenog i potpisanog obrasca za prijavu za učešće u „JAVNOM POZIVU ZA PODRŠKU SAMOZAPOŠLJAVANJU I PRIVREDNIM SUBJEKTIMA U IT SEKTORU ZA KREIRANJE I IZVOZ DIGITALNIH RJEŠENJA“ (str. 13-17), fizička lica koja se prijavljuju za učešće trebaju dostaviti prateću dokumentaciju, koja je navedena u nastavku.**

Krajnji rok za podnošenje prijave je 03.07.2023. godine, što potvrđuje datum na otpremnici, poštanski žig ili priznanica. Prijave podnesene nakon isteka roka se neće uzeti u razmatranje. Naknadne dopune projektnog prijedloga, objašnjenja, obrazloženja i sl. dostavljeni nakon isteka roka se neće uzimati u obzir.

**Popis prateće dokumentacije za fizička lica**

**1. Obavezna dokumentacija**

- Izvod iz matične knjige rođenih –*original ili ovjerena kopija*;
- CIPS prijava (ne starija od 30 dana) –*original ili ovjerena kopija*;
- Izjava o suglasnosti – *potpisana i ovjerena od strane nadležnih organa (notar ili općina/gradska uprava)*;
- Izjava da do datuma podnošenja prijave nije koristio bespovratna sredstva iz drugih izvora (sredstva nivoa vlasti, donatorska sredstva i sl.) u svrhu samozapošljavanja i/ili pokretanja biznisa – *potpisana i ovjerena od strane nadležnih organa (notar ili općina/gradska uprava)*;
- Popunjena prijava o učešću podnosioca u programu

**2. Dodatna dokumentacija**

- Kućna lista za domaćinstvo podnosioca prijave sa datumom izdavanja iz perioda trajanja javnog poziva –*original ili ovjerena kopija*;
- Ukoliko je osoba koja aplicira samohrani roditelj potrebno dostaviti sljedeće dokumente: Dokaz da se radi o samohranom roditelju (smrtni list supruga/e, rješenje o razvodu i rodni list djeteta/djece) – *obična ili ovjerena kopija*;
- Ukoliko osoba koja podnosi prijavu ima status osobe sa invaliditetom, potrebno je dostaviti rješenje o invalidnosti, rješenje o radnoj sposobnosti ili neki drugi dokument u kojem je identificiran invaliditet. Ukoliko podnosilac prijave nema status osobe sa invaliditetom, a živi u domaćinstvu u kojem jedan član ili više njih imaju status osobe sa invaliditetom, onda je potrebno dostaviti navedene dokumente za osobe sa posebnim potrebama iz domaćinstva – *obična ili ovjerena kopija*;
- Potvrda sa nadležnog biroa za zapošljavanje za sve nezaposlene punoljetne članove domaćinstva ne starija od 30 dana – *original ili ovjerena kopija*.

## Popis prateće dokumentacije za registrirane privredne subjekte

### 1. Obavezna dokumentacija

- Rješenje o registraciji subjekta – fizičkog lica ili rješenje o upisu u sudski registar subjekta – pravnog lica – *original ili ovjerena kopija*;
- Potvrda o izmirenim direktnim porezima i obavezama prema uposlenima izdana od strane nadležne poreske uprave – *original ili ovjerena kopija*;
- Potvrda o izmirenim indirektnim porezima izdana od strane Uprave za indirektno oporezivanje BIH (podnosi se samo u slučaju da je subjekt PDV obveznik) – *original ili ovjerena kopija*;
- Potvrda da se subjekt ne nalazi u registru obveznika poreza na dodatu vrijednost (PDV) izdana od strane Uprave za indirektno oporezivanje BIH, podnosi se samo u slučaju da subjekt nije PDV obveznik – *original ili ovjerena kopija*;
- Izjava o suglasnosti – *potpisana i ovjerena od strane nadležnih organa (notar ili općina/gradska uprava)*;
- Izjava da do datuma podnošenja prijave nije koristio bespovratna sredstva iz drugih izvora (sredstva nivoa vlasti, donatorska sredstva i sl.) u svrhu samozapošljavanja i/ili pokretanja biznisa – *potpisana i ovjerena od strane nadležnih organa (notar ili općina/gradska uprava)*.
- Popunjena prijava o učešću podnosioca u programu

### 2. Dodatna dokumentacija

- Izvod iz matične knjige rođenih vlasnika subjekta – *original ili ovjerena kopija*;
- Ukoliko vlasnik subjekta koji podnosi prijavu ima status osobe sa invaliditetom ili zapošljava osobu sa invaliditetom, potrebno je dostaviti rješenje o invalidnosti, rješenje o radnoj sposobnosti ili neki drugi dokument u kojem je identificiran invaliditet (vlasnika ili zaposlene osobe) – *original ili ovjerena kopija*;
- Spisak zaposlenih izdan od strane Porezne uprave Federacije BiH – ne stariji od dana objave Javnog poziva;

## **6. Uloge i odgovornosti strana**

Ministarstvo će pružiti podršku i tehničku pomoć odabranim korisnicima koja će se dodjeljivati u okviru raspoloživih sredstava projekta.

Svi podnosioci prijave po osnovu ovog javnog poziva će morati potpisati Izjavu o suglasnosti, kojom izražavaju svoju spremnost da zadovolje sljedeće zahtjeve (Izjava o suglasnosti dostupna u nastavku, str. 18):

- pružanje svih relevantnih informacija na zahtjev Ministarstva;
- učešće u obukama organiziranim od strane Ministarstva;
- u slučaju da budu odabrani za dodjelu bespovratnih sredstava, osiguraju namjensko trošenje sredstava sukladno odobrenoj namjeni i odobrenim iznosima;
- osiguraju aktivno i svrsishodno učešće tokom cjelokupne implementacije projekta i poštivanje svih ostalih dogovorenih obaveza i odgovornosti.

## **7. Proces odabira**

Izbor korisnika pomoći po osnovu ovog javnog poziva će vršiti stručna Komisija Ministarstva (u daljem tekstu: Komisija).

Komisija će razmatrati prijave u skladu sa odredbama ovog javnog poziva. Rezultati o izboru korisnika projekta bit će objavljeni na web stranici Vlade ZDK <http://www.zdk.ba> i grada/općina.

Izbor korisnika na nivou JAVNOG POZIVA ZA PODRŠKU SAMOZAPOŠLJAVANJA I RAZVOJU START UP-a će se odvijati u dvije glavne faze kako slijedi:

### **Prva faza: Usklađenost i evaluacija prijave po kriterijima iz javnog poziva**

- Komisija za odabir provodi pregled prijave i pregled usklađenosti prijave s administrativnim zahtjevima:
  - Provjera da li su ispunjeni svi osnovni kriteriji;
  - Provjera da li je dostavljena sva potrebna dokumentacija.
- Sačinjava listu podnositelja prijave koji nisu uvršteni na listu potencijalnih korisnika iz formalno-pravnih razloga (sa navođenjem razloga neuvrštavanja), koju Ministarstvo objavljuje na web stranici Kantona. Podnositelj prijave, u cilju zaštite svojih prava, može uložiti prigovor Ministarstvu u roku od osam (8) dana od dana objave navedene liste na web stranici Kantona. Nakon postupanja po svim prigovorima, Ministarstvo utvrđuje prijedlog odluke o izboru korisnika Programa sa iznosom sredstava, a odluku na prijedlog Ministarstva donosi Vlada. Odluka se objavljuje na web stranici Kantona.

### **Druga faza: Izrada konačne liste odabranih korisnika za učešće u specijalističkom programu razvoja poduzetništva i podršku osnivanja poduzeća**

- Komisija za odabir će na osnovu dostavljenog projektnog prijedloga i raspoloživih informacija izvršiti vrednovanje i bodovanje pristiglih prijave te napraviti konačnu rang listu odabranih korisnika koji će sudjelovati u programu razvoja poduzetništva i podršku osnivanja poduzeća.

#### **VAŽNO:**

**U slučaju da se kroz proces evaluacije i verifikacije podataka iz prijave dođe do saznanja o lažnom predstavljanju i davanju netočnih informacija, podnositelj prijave će po automatizmu biti isključen iz projekta.**

## **8. Evaluacija**

Kako je i prikazano u dijelu 7. Proces odabira, sve dostavljene prijave po osnovu ovog javnog poziva će se ocjenjivati u dvije faze od strane Komisije, u skladu sa ispod propisanim kriterijima, pri čemu je svaka faza eliminatorna. Važno je napomenuti da će se faza odabira najboljih poslovnih ideja i dodjele grant sredstava realizirati u ovisnosti od vremenske dinamike implementacije trening programa i podnošenja biznis planova.

### **KORAK 1. OTVARANJE PRISTIGLIH PRIJAVA, PROVJERA ISPUNJENOSTI OSNOVNIH KVALIFIKACIONIH I ADMINISTRATIVNIH ZAHTJEVA I KRITERIJA**

#### **FIZIČKA LICA**

U sklopu prve faze, po prijemu i otvaranju prijave fizičkih lica, ocjenjuju se sljedeći elementi:

- Da li je prijava dostavljena u utvrđenom roku. Ukoliko nije, ista se automatski odbija.
- Da li prijava ispunjava sve osnovne kvalifikacione i administrativne kriterije navedene u listi ispod. Ukoliko ne zadovoljava i ukoliko je odgovor na jedno od pitanja u tabeli ispod „NE“, prijava neće biti dalje razmatrana.

<b>ISPUNJENOST OSNOVNIH KVALIFIKACIONIH KRITERIJA ZA FIZIČKA LICA</b>		
<b>Provjera ispunjenosti osnovnih kvalifikacionih kriterija</b>	<b>DA</b>	<b>NE</b>
Podnositelj prijave ima prebivalište na području Zeničko-dobojskog kantona		
Podnositelj prijave ima kvalitetnu poslovnu ideju i želi da se bavi vlastitim biznisom		
Poslovna ideja je vezana za jednu ili više djelatnosti u okviru IT sektora		
Podnositelj prijave do datuma podnošenja prijave nije koristio bespovratna sredstva iz drugih izvora (sredstva nivoa vlasti, donatorska sredstva i sl.) u svrhu samozapošljavanja i/ili pokretanja biznisa		
Ispravno ispunjeni prijavni obrasci za učešće u programu		
<b>ISPUNJENOST ADMINISTRATIVNIH ZAHTJEVA I KRITERIJA ZA FIZIČKA LICA</b>		
<b>Provjera ispunjenosti osnovnih administrativnih kriterija i dostavljene obavezne dokumentacije:</b>	<b>DA</b>	<b>NE</b>
Izvod iz matične knjige rođenih		



CIPS prijava		
Ispravno popunjena prijava o učešću podnosioca u programu		
Ispravno popunjena i potpisana izjava o saglasnosti		
Ispravno popunjena i potpisana Izjava da do datuma podnošenja prijave nije koristio bespovratna sredstva iz drugih izvora (sredstva nivoa vlasti, donatorska sredstva i sl.) u svrhu samozapošljavanja i/ili pokretanja biznisa		

Također, u ovoj fazi će se izvršiti provjera ispunjenosti dodatnih kriterija i dostavljene dodatne dokumentacije od strane fizičkih lica. **Dodatni kriteriji nisu eliminatorni njihovo neispunjavanje ili djelimično ispunjavanje neće diskvalificirati podnosioca iz procesa evaluacije.** Lista ispunjenosti dodatnih kriterija i pripadajuće dokumentacije je kako slijedi:

Dodatna dokumentacija za fizička lica:	DA	NE
Kućna lista za domaćinstvo podnosioca prijave sa datumom izdavanja iz perioda trajanja javnog poziva		
Dokaz da se radi o samohranom roditelju (smrtni list supruga/e, rješenje o razvodu i rodni list djeteta/djece)		
Potvrda o statusu osobe sa invaliditetom ili da podnosilac živi u domaćinstvu sa osobom sa invaliditetom		
Potvrda sa nadležnog biroa za zapošljavanje za sve nezaposlene punoljetne članove domaćinstva		

### **REGISTRIRANI PRIVREDNI SUBJEKTI**

U sklopu prve faze, po prijemu i otvaranju prijava registriranih subjekata, ocjenjuju se sljedeći elementi:

- Da li je prijava dostavljena u utvrđenom roku. Ukoliko nije, ista se automatski odbija.
- Da li prijava ispunjava sve osnovne kvalifikacione i administrativne kriterije navedene u listi ispod. Ukoliko ne zadovoljava i ukoliko je odgovor na jedno od pitanja u tabeli ispod „NE“, prijava neće biti dalje razmatrana.

ISPUNJENOST OSNOVNIH KVALIFIKACIONIH KRITERIJA ZA REGISTRIRANE SUBJEKTE		
Provjera ispunjenosti osnovnih kvalifikacionih kriterija	DA	NE
Subjekt je registriran na području Zeničko-dobojskog kantona		
Subjekt nije stariji od 6 mjeseci od datuma objave ovog javnog poziva		
Osnovna djelatnost subjekta je vezana za IT sektor		
Subjekt do datuma podnošenja prijave nije koristio bespovratna sredstva iz drugih izvora (sredstva nivoa vlasti, donatorska sredstva i sl.) u svrhu samozapošljavanja i/ili pokretanja biznisa		
Subjekt je uredno izmirio sve poreske i druge zakonom propisane obaveze		
Ispravno ispunjeni prijavni obrasci za učešće subjekta u programu		
ISPUNJENOST ADMINISTRATIVNIH ZAHTJEVA I KRITERIJA ZA REGISTRIRANE SUBJEKTE		
Provjera ispunjenosti osnovnih administrativnih kriterija i dostavljene obavezne dokumentacije:	DA	NE
Rješenje o registraciji subjekta – fizičkog lica ili rješenje o upisu u sudski registar subjekta – pravnog lica		
Potvrda o izmirenim direktnim porezima i obavezama prema uposlenima izdana od strane nadležne poreske uprave		
Potvrda da se subjekt ne nalazi u registru obveznika poreza na dodatu vrijednost (PDV) izdana od strane Uprave za indirektno oporezivanje BiH (podnosi se samo u slučaju da subjekt nije PDV obveznik)		
Potvrda o izmirenim indirektnim porezima izdana od strane Uprave za indirektno oporezivanje BiH (podnosi se samo u slučaju kada je subjekt PDV obveznik)		

Ispravno popunjena prijava o učešću subjekta u programu		
Ispravno popunjena i potpisana izjava o suglasnosti		
Ispravno popunjena i potpisana Izjava da do datuma podnošenja prijave nije koristio bespovratna sredstva iz drugih izvora (sredstva nivoa vlasti, donatorska sredstva i sl.) za realizaciju projektnog prijedloga		

Također, u ovoj fazi će se izvršiti provjera ispunjenosti dodatnih kriterija i dostavljene dodatne dokumentacije od strane registriranih subjekata. **Dodatni kriteriji nisu eliminatorni njihovo neispunjavanje ili djelimično ispunjavanje neće diskvalificirati podnosioca iz procesa evaluacije.** Lista ispunjenosti dodatnih kriterija i pripadajuće dokumentacije je kako slijedi:

Dodatna dokumentacija za registrirane subjekte:	DA	NE
Izvod iz matične knjige rođenih za vlasnika subjekta		
Potvrda o statusu osobe sa invaliditetom (vlasnika ili zaposlene osobe)		
Popis uposlenih izdan od strane Porezne uprave Federacije BiH		

## **KORAK 2. VREDNOVANJE**

### **VREDNOVANJE I BODOVANJE PRISTIGLIH PRIJAVA FIZIČKIH LICA**

#### **Evaluacijska ljestvica**

Dodatni kriteriji	Maksimalan broj bodova
Podnosilac prijave je osoba mlađa od 35 godina starosti	10
Podnosilac prijave je žena	10
Podnosilac živi u višečlanom domaćinstvu sa 5 i više članova	5
Podnosilac prijave je samohrani roditelj	5
Podnosilac ima status osobe sa invaliditetom ili živi u domaćinstvu sa jednom ili više osoba koje imaju status osobe sa invaliditetom	5
Podnosilac živi u domaćinstvu u kojem su svi članovi nezaposleni. Zaposlenjem se smatra ukoliko član domaćinstva obavlja posao za koji uplaćuje poreze i doprinose iz zasnovanog radnog odnosa: a) Svi članovi nezaposleni b) 1 član zaposlen c) 2 i više članova zaposleno	5 3 1
Kvalitet i inovativnost prezentirane poslovne ideje: a) Ideja je vrlo kvalitetna i inovativna, sa značajnim tržišnim potencijalom. Ideja je jasno prezentirana te je budžet odlično koncipiran i opravdan, sa kvalitetnim narativnim opisom troškova – od 41 do 60 bodova; b) Ideja je kvalitetna sa zadovoljavajućim tržišnim potencijalom. Ideja je dobro prezentirana te je budžet adekvatno koncipiran, zadovoljavajućeg nivoa tržišnog potencijala, sa odgovarajućim narativnim opisom troškova – od 11 do 40 bodova; c) Ideja nije zadovoljavajućeg kvaliteta, limitiranog tržišnog potencijala. Ideja nije adekvatno prezentirana, budžet je nejasan – od 1 do 10 bodova; d) Ideja je vrlo loša, bez tržišnog potencijala i loše prezentirana bez objašnjenja i budžeta – 0 bodova.	60
Ukupan broj bodova:	100

## **VREDNOVANJE I BODOVANJE PRISTIGLIH PRIJAVA REGISTRANIH SUBJEKATA**

### **Evaluacijska ljestvica**

<b>Dodatni kriteriji</b>	<b>Maksimalan broj bodova</b>
Vlasnik subjekta je osoba mlađa od 35 godina starosti	10
Vlasnik subjekta je žena	10
Broj zaposlenih <sup>2</sup> : 5 i više 3-4 do 2	10 5 1
Vlasnik subjekta ima status osobe sa invaliditetom ili zapošljava lica sa invaliditetom	10
Kvalitet i inovativnost prezentirane poslovne ideje: a) Ideja je vrlo kvalitetna i inovativna, sa značajnim tržišnim potencijalom. Ideja je jasno prezentirana te je budžet odlično koncipiran i opravdan, sa kvalitetnim narativnim opisom troškova – od 41 do 60 bodova; b) Ideja je kvalitetna sa zadovoljavajućim tržišnim potencijalom. Ideja je dobro prezentirana te je budžet adekvatno koncipiran, zadovoljavajućeg nivoa tržišnog potencijala, sa odgovarajućim narativnim opisom troškova – od 11 do 40 bodova; c) Ideja nije zadovoljavajućeg kvaliteta, limitiranog tržišnog potencijala. Ideja nije adekvatno prezentirana, budžet je nejasan – od 1 do 10 bodova; d) Ideja je vrlo loša, bez tržišnog potencijala i loše prezentirana bez objašnjenja i budžeta – 0 bodova.	60
<b>Ukupan broj bodova:</b>	<b>100</b>

Prijave koje imaju manje od 40 bodova se neće uzeti u razmatranje. Nakon ocjenjivanja prijedloga u skladu sa iznad navedenim kriterijima, definirat će se preliminarna rang-lista u skladu sa ostvarenim brojem bodova. U slučaju nedovoljnog broja kandidata sa minimalnim brojem bodova, Ministarstvo zadržava pravo da uzme u obzir i kandidate sa manjim brojem bodova od minimuma. Nakon toga, u sklopu druge faze procesa izbora, će se izvršiti procjena točnosti informacija navedenih u obrascu za prijavu i izraditi konačna lista odabranih korisnika za sudjelovanje u programu obuke.

<sup>2</sup> Sa gledišta ovog javnog poziva, vlasnici subjekta-fizičkog lica se smatraju uposlenim osobama

## OBRAZAC ZA PRIJAVU<sup>3</sup>

<b>Prijava za učešće po Javnom pozivu za podršku samozapošljavanju i privrednim subjektima u IT sektoru za kreiranje i izvoz digitalnih rješenja</b>		
<b><i>I. OPĆE INFORMACIJE O PODNOSIOCU PRIJAVE</i></b>		
Podnosite prijavu u svojstvu (označite jednu od ponuđenih opcija)	Registriranog subjekta <input type="checkbox"/>	Fizičkog lica <input type="checkbox"/>
Ime i prezime:		
Datum rođenja:	JMBG:	Broj telefona:
Naziv subjekta (unositi se samo ukoliko podnosite prijavu u svojstvu registriranog subjekta)		
ID broj subjekta (unositi se samo ukoliko podnosite prijavu u svojstvu registriranog subjekta)		
Kontakt e-mail:		
Adresa:		
Općina/Grad:		
Stručna sprema:		
Zanimanje:		
Prethodno radno iskustvo (u kratkim crtama navesti relevantne informacije kao što su broj godina iskustva, poslodavci kod kojih ste radili, opisi radnih mjesta i sl.): <sup>4</sup>		
Da li se želite baviti vlastitim biznisom (na ovo pitanje odgovarate samo u slučaju da podnosite prijavu u svojstvu fizičkog lica):	Da <input type="checkbox"/> Ne <input type="checkbox"/>	

<sup>3</sup> Kao odgovor na pitanja iz obrazca za prijavu koja nisu primjenjiva u Vašoj situaciji, u polju predviđenom za odgovor na ta pitanja trebate navesti nulu (0).

<sup>4</sup> Sukladno ukazanoj potrebi, u obrascu možete dodavati nove redove ili proširiti postojeće.

Osnovne informacije o registriranom subjektu (ispunjavaju samo registrirani subjekti, potrebno je navesti osnovnu djelatnost, proizvode, godinu osnivanja, broj uposlenih, opremu koju subjekti posjeduju i sl.)

Informacije o članovima domaćinstva (popunjava samo fizičko lice):

Ime i prezime	Spol (M/Ž)	JMBG	Porodični odnos	Starost

Status samohranog roditelja: Da  Ne

Da li pripadate kategoriji invalidnih osoba ili zapošljavate takva lica:

Da  Ne

Ukoliko je odgovor da, navedite kategoriju: \_\_\_\_\_

Da li ste u proteklih 5 godina bili korisnik poticaja Ministarstva za privredu/gospodarstvo ZDK-a?

Da  Ne

Ukoliko je odgovor da, ispod navedite u kojem projektu i kojoj aktivnosti ste sudjelovali:

\_\_\_\_\_

Da li ste do datuma podnošenja ove prijave bili korisnik bespovratnih sredstava iz drugih izvora (sredstva nivoa vlasti, donatorska sredstva i sl.) u svrhu samozapošljavanja i/ili pokretanja biznisa?

Da  Ne

## II. PODACI O SOCIJALNOM STATUSU PODNOSIOCA FIZIČKIH LICA

Radni status (za članove domaćinstva između 18 i 65 godina starosti)

Ime i prezime člana domaćinstva	Zaposlen/a (DA/NE, ukoliko DA, navesti gdje i naziv radnog mjesta)	Nezaposlen/a (DA/NE)	Student/ica Penzioner/ka

**III. POSLOVNA IDEJA**

<b>Naziv poslovne ideje:</b>	
<b>Kratak opis poslovne ideje:</b>	
<b>Navedite sektor u koji spada Vaša poslovna ideja (obavezno IT sektor)</b>	
<b>Glavni ciljevi poslovne ideje:</b>	
<b>Ukratko opišite na koji način bi se izvršila realizacija poslovne ideje (npr. vremenski period, potrebna radna snaga, potrebna materijalna/proizvodna sredstva i sl.):</b>	
<b>Opišite Vaše prethodno radno iskustvo u vezi implementacije navedene poslovne ideje:</b>	
<b>Opišite na koji način predložena poslovna ideja odgovara potrebama tržišta:</b>	
<b>Ostale relevantne informacije za Vašu poslovnu ideju:</b>	

**IV. OKVIRNI BUDŽET ZA REALIZACIJU POSLOVNE IDEJE (U KM)<sup>5</sup>**

R/B	Vrsta troška (u svakoj troškovnoj kategoriji je potrebno navesti kratki opis svake kategorije, npr. nabavka softvera, 1 komad jedinične cijene od 5,000.00 KM bez PDV-a)	Ukupan iznos bez PDV-a	Ukupan iznos sa PDV-om	Izvor(i) financijskih sredstava (vlastita, kredit, subvencije, itd.)
1.				
2.				
3.				
4.				
5.				
6.				
7.				
8.				
9.				
10.				
<b>UKUPNO (u KM)</b>				

Ja, \_\_\_\_\_, ovim potvrđujem točnost navedenih podataka i prihvaćam da netočnost navoda u ovoj prijavi znači automatsku diskvalifikaciju mog učešća u ovom programu.

Svojim potpisom potvrđujem da sam svjestan/na svih potencijalnih rizika usljed učešća u navedenom programu kojima osobno, moja imovina ili imovina trećih osoba koju koristim u navedene svrhe, mogu biti izloženi te iste u potpunosti prihvaćam na vlastitu odgovornost. Također sam u potpunosti svjestan/na da učešće u trening programu i pokretanje vlastitog biznisa podrazumijeva i određene rizike koji mogu rezultirati financijskim gubicima, tjelesnom povredom, fizičkim oštećenjima opreme i sl., te navedene rizike u potpunosti prihvaćam na vlastitu odgovornost.

Potpis:

Datum:

<sup>5</sup>U priloženoj tabeli podnosioci mogu dodavati nove redove sukladno ukazanoj potrebi.

## IZJAVA O SUGLASNOSTI ZA FIZIČKA LICA

**Ja, \_\_\_\_\_ /ime i prezime podnosioca prijave,** suglasan sam da ukoliko budem odabran za učešće u **Javnom pozivu za podršku samozapošljavanju i privrednim subjektima u IT sektoru za kreiranje i izvoz digitalnih rješenja**, na zahtjev Ministarstva:

- pružim sve relevantne informacije koje se tiču mog učešća u programu;
- aktivno učestvujem u obukama organiziranim od strane Ministarstva;
- u slučaju da budem odabran/a za dodjelu bespovratnih sredstava, osiguram namjensko trošenje sredstava sukladno odobrenoj namjeni i odobrenim iznosima;
- osiguram aktivno i svrsishodno učešće tokom cjelokupne implementacije programa i poštivanje svih ostalih dogovorenih obaveza i odgovornosti.

Izjavu dao: \_\_\_\_\_

Potpis i pečat nadležnog organa  
(notar ili općinski/gradski organ uprave)

\_\_\_\_\_  
(mjesto i datum davanja izjave)



## IZJAVA FIZIČKOG LICA

da nije koristio bespovratna sredstva iz drugih izvora (sredstva nivoa vlasti, donatorska sredstva i sl.)  
u svrhu samozapošljavanja i/ili pokretanja biznisa

Ja, \_\_\_\_\_ /ime i prezime podnosioca prijave/, kao podnosilac prijave na **Javnom pozivu za podršku podrška samozapošljavanju i privrednim subjektima u IT sektoru za kreiranje i izvoz digitalnih rješenja**, koji provodi Ministarstvo za privredu/gospodarstvo Zeničko-dobojskog kantona, pod punom materijalnom i krivičnom odgovornošću

## IZJAVLJUJEM

da do datuma podnošenja prijave nisam koristio bespovratna sredstva iz drugih izvora (sredstva nivoa vlasti, donatorska sredstva i sl.) u svrhu samozapošljavanja i/ili pokretanja biznisa

Izjavu dao: \_\_\_\_\_

Potpis i pečat nadležnog organa  
(notar ili općinski/gradski organ uprave)

\_\_\_\_\_  
(mjesto i datum davanja izjave)

## IZJAVA O SUGLASNOSTI ZA REGISTRIRANE PRIVREDNE SUBJEKTE

**Ja,** \_\_\_\_\_ **/ime i prezime/**, sa osobnom kartom broj: \_\_\_\_\_, izdatom od \_\_\_\_\_, u svojstvu ovlaštenog predstavnika/ce privrednog subjekta \_\_\_\_\_ (naziv privrednog subjekta), ID broj: \_\_\_\_\_, čije sjedište se nalazi u \_\_\_\_\_ (grad/općina) na adresi \_\_\_\_\_ (ulica i broj), suglasan sam da ukoliko budemo odabrani za učešće u **Javnom pozivu za podršku samozapošljavanju i privrednim subjektima u IT sektoru za kreiranje i izvoz digitalnih rješenja**, na zahtjev Ministarstva:

- pružim sve relevantne informacije koje se tiču mog učešća u programu;
- aktivno sudjelujem u obukama organiziranim od strane Ministarstva;
- u slučaju da budem odabran/a za dodjelu bespovratnih sredstava, osiguram namjensko trošenje sredstava sukladno odobrenoj namjeni i odobrenim iznosima;
- osiguram aktivno i svrsishodno učešće tokom cjelokupne implementacije programa i poštivanje svih ostalih dogovorenih obaveza i odgovornosti.

Izjavu dao: \_\_\_\_\_

Potpis i pečat

\_\_\_\_\_  
(mjesto i datum davanja izjave)

## IZJAVA REGISTRIRANOG PRIVREDNOG SUBJEKTA FIZIČKOG LICA

da nije koristio bespovratna sredstva iz drugih izvora (sredstva nivoa vlasti, donatorska sredstva i sl.)  
u svrhu samozapošljavanja i/ili pokretanja biznisa

Ja, \_\_\_\_\_ /ime i prezime/, sa osobnom kartom broj: \_\_\_\_\_, izdatom od \_\_\_\_\_, u svojstvu ovlaštenog predstavnika/ce privrednog subjekta \_\_\_\_\_ (naziv privrednog subjekta), ID broj: \_\_\_\_\_, čije sjedište se nalazi u \_\_\_\_\_ (grad/općina) na adresi \_\_\_\_\_ (ulica i broj), kao podnosilac prijave na **Javnom pozivu za podršku podrška samozapošljavanju i privrednim subjektima u IT sektoru za kreiranje i izvoz digitalnih rješenja**, koji provodi Ministarstvo za privredu Zeničko-dobojskog kantona, pod punom materijalnom i krivičnom odgovornošću

### IZJAVLJUJEM

da do datuma podnošenja prijave nisam koristio bespovratna sredstva iz drugih izvora (sredstva nivoa vlasti, donatorska sredstva i sl.) u svrhu samozapošljavanja i/ili pokretanja biznisa

Izjavu dao: \_\_\_\_\_

Potpis i pečat

\_\_\_\_\_  
(mjesto i datum davanja izjave)